

Prvi zamjenik visokog predstavnika naglašava potrebu za centralizacijom nadzora nad bankama

Prvi zamjenik visokog predstavnika Larry Butler danas je naglasio potrebu da se centralizuje nadzor nad bankama u BiH, pod Centralnom bankom, kako bi se ojačao bankovni sistem u zemlji.

Govoreći danas u Sarajevu na konferenciji posvećenoj finansijskom sektoru, on je kazao da bi takav potez doprinio većem povjerenju u bankovni sistem, pomogao privlačenje stranih investicija i također doprinio smanjenju kamatnih stopa. Došlo bi i do povećanja krajnje neophodnih kredita koji bi bili dostupni malim i srednjim preduzećima.

“Reforma bankarskog sistema u BiH postigla je značajan uspjeh, ali su napori za jačanje nezavisnosti bankarskih agencija naišli na opstrukcije političke prirode”, rekao je prvi zamjenik visokog predstavnika.

“Bankarske agencije prednjačile su u zalaganju da se BiH bankarstvo zaštiti od korupcije i krađe”, rekao je ambasador Butler . “Agencije su dobro radile, i njihov rad je bio od velike važnosti, kao što to pokazuju i slučajevi koji su otkriveni – korporativnog podmićivanja i zloupotrebe depozita u Hercegovačkoj banci i Privrednoj banci Istočno Sarajevo ”. Međutim, od ključne je važnosti da se nadzor pojača.

Sa žaljenjem je konstatovao da su prijedlozi za jačanje nadzora – tako što bi dva entitetska nadzorna tijela bila pod Centralnom bankom – naišli na probleme, što je takođe doprinijelo problemima oko njihovog finansiranja. Međutim, istakao je Ambasador Butler, Vlada RS je 31. jula ove godine

usvojila zaključak kojim se dovodi u pitanje transfer nadzora nad bankama na Centralnu banku BiH i kaže da ukidanje Agencije RS za bankarstvo nije ustavno.

“Ovdje nije riječ o politici. Ovdje se radi o uspostavljanju sistema koji će imati direktni uticaj na život običnog građanina tako što će olakšati malim preduzetnicima da dođu do novca”, rekao je ambasador Butler . “Zašto onda političari pokušavaju da spriječe jačanje nadzorne uloge? Da li su oni na strani supervizora ili na strani kriminalaca?”